

巴  
州  
志

地 280.309  
136  
部 = 1-4



道光癸巳春鐫

巴

邑

志

本署藏版

序

侯官朱君菽原治渠縣五年政修時和民懷吏畏適巴州牧某因公去任長官以茲州地大難理命菽原攝其篆君涖州後詢知向無舊志乃於吏事之暇廣爲搜羅輯成州志若干卷明年赴成都任出以示余並屬爲序余幼見左氏傳有巴子國注云在巴郡知其爲西蜀險遠之區也及讀秦漢史書見秦置巴郡至東漢末分置巴東巴西爲三巴以今地輿考之重慶府之巴縣古巴郡治而夔州府之奉節保寧府之閬中則巴東巴西兩郡故治至今保寧屬之巴州在巴山南則後魏延昌三年始置者也自古州縣巴州志

卷首

序

一

沿革與時變遷巴州本漢宕渠地分置漢昌先屬巴郡後隸巴西郡其後郡縣增多名稱互異屢分屢合變置靡常不有紀載則疆圉尙不能辨遑問其他且其地周環一千八百餘里界連三郡十一縣疆宇遼闊原隰雄厚物產滋蕃固梁益之奧區巴西之重鎮雖僻處偏隅非四戰之地然峻嶺崇柯在昔嘗爲寇盜所竄迹其安靖亦匪易易幸逢

國家

重熙累洽萬無伏莽之虞而考其圖記按其壁壘關津易稱王公設險以守其國誠有土者所宜留意也菽原識高學博

蘊櫝古今是編也縷析條分瞭如指掌其體例凡八首地理慎封守也次建置昭制度也次田賦謹征徭也次職官重司牧也次選舉揚材俊也次士女表鍾毓也次藝文摘芳藻也終以雜紀覈名實廣聞見也取材羣籍駁辨精嚴補省府志之舛漏以之信今傳後夫復奚疑昔晉桓宣爲梁州刺史每至農月親載耒耜以勸民漢昌嘗隸梁州今治南有美農臺紀其績也唐薛逢爲巴州刺史父老興歌曰有孩有童願以名垂報其德也今菽原一涖斯土而政修時和民懷吏畏如在渠時又以其餘閒徵文考獻纂錄周詳俾嫻行托以留芳江山藉以生色則其他惠澤之洽

巴州志

卷首

序

二

於州人者可知而州人之歌頌功德者亦可知矣余故樂而爲之序道光壬辰夏月四川分巡成龍綿茂兵備道桐城李宗傳撰

序

西蜀自成都而外類皆嶄巖複嶺而巴州尤居萬山之中  
界連數郡僻遠險峻小醜易於竄伏如有明鄴藍之亂  
國朝嘉慶初之白蓮教匪出沒蹂躪久始殄滅幸際

重熙累洽休養生息物阜民康相安無事然備豫不虞古之善  
政考其山川按其圖記何以使後之人有所借鑑因地制  
宜扞衛保障可恃無恐也州舊無志吾友朱君菽原以康  
濟之才歷宰繁要所到有聲權巴州不數月政通人和乃  
徵文考獻勒爲成書繪圖立說精覈詳明關隘險阻瞭如  
指掌推其心不獨求一時之治安直欲以容保無疆者垂

巴州志

卷首

序

三

諸奕世其暫攝一州若此異日膺岳牧持節封疆其留心  
轄境設爲方略者當何如至其體例之謹嚴辨論之確鑿  
三長兼擅則固有目所共賞讀是書者可想見所蘊矣  
道光壬辰夏月無爲高學濂撰於華陽官署

序

巴州有志自宋劉甲清化前志始厥後李鈞復撰續志其書久佚不可得而見已有明一代著錄未聞逮乎

國朝迄無專乘嘉慶中重修通志始創爲志稿上之省局僅有寫本蕪雜舛漏殊無足觀道光十一年夏四月余權涖茲州適大府檄取州志猝無以應心爲歉然念不及今修輯將愈久而益就湮也爰謀之州孝廉謝君一鳴屬爲採訪而余與吾友金堂陳君一津共任其事每聽治畢篝燈命筆繙閱載籍檢尋文案鉤稽參考互相往復漏數下不休陳君又健游荒崖古刹殘碑斷碣搜剔殆徧故所得爲

巴州志

卷首

序

四

多如是者數閱月草創粗就會余復移任成都橐稿以去省垣公事旁午竟不獲一展視謝君以書來問莫能答也比至瀘州將兩月屬新歲伊始政務稍簡迺重加釐正分列八門編爲十卷付之梓人焉旣成謂陳君曰是志有五難自劉璋分置三巴州境屬巴西郡至元魏而後爲巴州然地志諸書巴州巴郡往往混淆一也延昌始置巴州是爲今治而齊建元之巴州在今夔州魏大統之巴州在今重慶又黃州岳州齊梁閒俱嘗僑置巴州名稱勞如疆宇無定易於傳訛二也漢昌舊地封域遼闊晉宋以後分置州郡旋設旋改唐初領化成等十四縣乾元時併而爲九

宋又併而爲六城郭非故井里莫稽三也明洪武九年降州爲巴縣正德十年復故而重慶之巴縣自若中閒百四十年異地同名官師人物事蹟無由識別四也明季兵燹紀載無存

國家承平日久典章大備而州以教匪之亂積年案牘多所闕佚鄉民耳食口傳沿訛襲謬文獻無徵鮮所依據五也前之人知其難而不爲而余又蒞任日淺欲以數月之功羅千有餘年之掌故毋乃不量力實甚然則是書也於以昭

聖治之休和紀民物之安阜而往昔遺聞亦得存什一於千百

巴州志

卷首

序

五

焉斯可矣以云精覈詳盡余與君其能自信乎拾遺補闕猶有待於後之君子也陳君以爲然遂書而序諸簡端豈道光癸巳春正月侯官朱錫穀撰於瀘州官署

凡例

一 地志首重輿圖巴州幅幘最廣歷代屢有析置近道光三年分鎮龍關以東地三百餘里歸綏定府屬改設之太平縣管轄餘所存者是爲今境茲繪爲新舊巴州二圖又爲古巴州一圖以見今昔畫疆之規制水道繪爲一圖俾脈絡分明源流不紊城垣圖次之平梁小寧二城昔人所置天然險要教匪之亂保全甚衆各繪爲圖思患豫防此其明驗至如他志所列官舍廟宇十景八景諸圖無有關係者概不之及

一 諸志各門俱有小序然多通套語可以移甲改乙茲於巴州志

卷首

凡例

六

各門目中有應發明者或總論於前或綴跋於後期取達意而止不爲泛濫之詞

一 地理沿革上溯前代疆域專紀 本朝此諸志定例也巴州自漢昌置縣以後分合不一而約綜形勢尙有可稽茲詳載唐初所置十四縣而以寰宇記所載四至里數備列於前唐宋元明疆宇大概具在於是至今境較狹又

縣交界處所均各備書以昭封守形勝次之山川則詳爲搜剔敘述用以闡發地靈且爲登臨攬勝之助風俗書後一篇於宜民善俗之道三致意焉物產惟徵舊籍

所載其爲今他處所習見共有者不書

一建置先城池公署官所職治也祀典以文廟爲重故列於祠廟之首備詳建造之由至如配位祭儀率土所同有會典及省府志在可毋庸取盈卷帙學校則專紀學制附以書院義學俾各從其類關隘津梁舖遞場鎮次之寺觀又次之古蹟皆前人建置所留冢墓亦古蹟類也故合爲一門

一田賦篇首敬述蠲賑以見

聖恩湛厚無遠不屆也田畝科則人丁徭役均按賦役全書所

載自順治十年清查起至道光十一年止應徵糧數銀

巴州志

卷首

凡例

七

數逐一備列而以現在承糧戶數丁口人數總爲一篇至課稅則鹽茶雜稅倉儲則常監社濟以次編載

一前代職官傳者寥寥凡見于史傳載記詩文及磨崖碑碣可徵者悉爲採錄其有齊梁閒所置與州境似不相合者疑莫能詳姑並存之國朝則列祿秩於前次以題名兼紀宦績武職並列營制以皆職守之所存無庸紛設門目以歸簡淨

一前代選舉唐宋元時登第諸人多無年分可考明代所載較詳然三百年中未必僅有此數計闕佚亦多矣國朝州人尙未有登進士者豈山川靈氣有待而後發

與今摛時代科分爲次而貢生仕進軍功封蔭亦以次臚列其行實有稱者詳見人物

一各志紀載人物又分爲儒林文苑忠義孝友之類門目甚繁茲仿華陽國志之例總爲士女志人物列爲一目無論仕隱窮達大行小善有可紀者均按時代編載不更區分品類列女列爲一目凡貞姬烈媛已經旌表者固得備書其苦節窮嫠未荷題旌而事蹟可徵年例符合者亦爲詳載用闡幽光至教匪之亂州中婦女捐軀甚多更加意蒐訪表揚以維風化

一藝文詩文序記之類諸志多散見山川古蹟各門之下

巴州志

卷首

凡例

八

然亦有無類可歸而有關一方故實者棄之可惜茲仍仿全蜀藝文志之例自爲一門亦按時代編次不復分體惟磨崖題名別爲一類列於文後所錄詩文大率於近人之作持擇較嚴以俟後來續輯

一雜紀辨訂山水古蹟旁及雜事而祥異金石流寓方外諸類亦附入之以所載無多不能自爲目也至教匪叛亂再入州城焚掠甚慘盤踞出沒歷八年而後平今綜其始末爲一篇載列於後以著戡定之勳其無關州事者不具錄

一舊存志稿四冊卽新修通志所據以纂輯者除已採錄

外餘皆渣滓矣近人文尚雅復輯爲志略一書採摭頗富而失之汎濫中多訛舛門目亦甚煩碎茲別擇參校從其善者收之文君州學生余未之見其用力之勤亦有志士也故表而出之

一是志初輯屬州孝廉謝君一鳴採訪謝君又分屬諸鄉人士孝廉文君元瑞貢生李君宜培廩生張君復旦冉君選科楊君鳳鳴等各就所見開送謝君條錄以歸於余而金堂廩生陳君一津同余修纂茲來瀘州爰爲捐貲刊刻以葺其事又州監生周君吉皓偕陳君遊歷巖壑搜訪古蹟與有力焉其諸圖則州人陳三品所作也

巴州志

卷首

凡例

九

謝君先曾爲序一篇以揄揚太過媿莫克當今不敢存附識於此










# 古丹州圖


巴州志

卷首

圖

十四





巴州志

卷首

圖

五

古巴州境至唐志始詳然永穆安固伏虞白石符陽長池所領六縣距州甚遠其在今境內者化成爲州治餘則分設之曾口清化盤道歸仁始寧其章恩陽以八縣之地合爲一州而撫馭之兼且土關民聚有加於昔洵乎治理之不易也大牟小寧新得皆後所析置集州壁州各自爲境而疆土犬牙相錯木門永穆雖在他邑但爲水道所經故併圖之至若梁廣傳爲漢昌所改又改化成云卽今州治沿訛已久茲詳加考定當在梁永河語見古蹟識者諒以爲不謬